

## **Kigbaŋ ki Pɔɔl ŋmee ki tii TAITUS na**

<sup>1</sup> Min Pɔɔl, m ye Uwumbɔr aatutunn, ki ye Yesu Kristo aakpambal, ke m ter Uwumbɔr aah nyan binib bi na ke bi gaa u ki kii, ki bee waabɔr ti gbii na. Waabɔr ngbaan ter bi, ke bi li bi waah ban pu na.

<sup>2</sup> Waabɔr pu le bi kpa limakl ke bi ga li kpa limɔfal li kaa kpa ndoon na. Uwumbɔr u kaa mɔni inyamɔn na, uma le nan puu tipuur n-yaayoonn na, ke u ga tii timi limɔfal ngbaan.

<sup>3</sup> Naah nan ŋeer na, le uma Uwumbɔr u gaa timi lii na kpiir limɔfal ngbaan aabɔr, ki tuk mi ke m li chuun mooni ti.

<sup>4</sup> M bi ŋmee kigbaŋ kee m tii si Taitus u ye maabo bamɔnn Yesu Kristo aasan ni na. Tite Uwumbɔr ni Yesu Kristo u gaal timi lir na ŋa tinyoor ŋa aa pu, [ki san si kinimbaak,] ki tii si nsuudoon.

### *Taitus aah tun lituln li Krete aatiŋ ni na*

<sup>5</sup> Tɔ, m cha aa bee Krete aatiŋ ni ke aa tun lituln li kaa kee tun na, ki lee binib bi ga li ye Yesu aanib aaninkpiib ntim mɔmɔk ponn ni na.

<sup>6</sup> Aa lee bijab bi kaa kpa taani ubaa, ki kpa upii ubaabaa, ki kpa mbim bi gaa Yesu ki kii, kaa ŋani bakaa, kaa ye tafalaanundam na.

<sup>7</sup> Uwumbɔr aanib bi baaninkpel aanjaal ni la, nima pu le ni ŋan ke u taa li kpa taani ubaa, ki taa li tun uma ubaa aageehn, ki taa li ye linjuuldaan, ki

taa li ye udagbiir, ki taa gbaa binib; unimbil taa li man n̄imombil pu.

<sup>8</sup> Ni n̄an ke u li ye unii u channi bicham tichann na, ki li gee lituln li n̄an na, ki li kpa laasaab, ni mbimbinyaan, ki li bi chain, ki li chur ubaa,

<sup>9</sup> ki li joo taah nan tuk u tibɔnyaan ti ye Uwumbɔr aabɔr bamɔnn na, aan ki mɔk binib mmɔkm mu n̄an na, ki pɔɔk bitaakpab, ki len tibɔr ki nyan binib bi kpak u kinikpakpak na.

<sup>10</sup> Ba pu? binib pam le bi ki ye tafalaanundam, ki len tibɔr yɔl yɔl, ki n̄manni binib. Juu yaab ponn ni bibaa le n̄ani kina ki jer biken na.

<sup>11</sup> Ni n̄an ke aa cha bi n̄min; ba pu? bi mɔk binib mmɔkm mu kaa ba ye bi mɔk bi na, ki cha n̄idichal n̄ibaa ponn ni aanib mɔmɔk yenn. N̄imombil pu, le bi n̄ani kina. Naa n̄an.

<sup>12</sup> Krete aatiŋ aanib ponn ni ubaa, u nan ye ulankpal na, nan bui ke, “Krete aatiŋ aanib ye binyamɔndam n-yoonn mɔmɔk la. Bi naahn ipeel i kaa n̄an na la. Bi ye bigbanyakdam, ki ye bipu-usakpendam.”

<sup>13</sup> Ulankpal ngbaan aah len pu na ye mbamɔn la. Nima pu na, kae bi mbamɔm, aan bi li dii Yesu aasan chob,

<sup>14</sup> ki taa gar Juu yaab aatiin, ki taa gar binib bi yii Yesu aabɔnyaan na aamɔkm.

<sup>15</sup> Tiwan mɔmɔk bi chain binib bi bi chain na chee la. Binib bi kaa bi chain, kaa gaa Yesu ki kii na, tiwan nibaa aa bi chain ki tii bi. Baalandak mu aa n̄an. Baa ki nyi lituln li n̄an na, ni li kaa n̄an na.

<sup>16</sup> Bi len ke bi nyi Uwumbɔr, le baah tun pu na mɔk ke baa nyi u. Uwumbɔr aa gee baah n̄ani pu na. Baa kii waamɔb, kaa n̄maa tun litunyaan libaa.

## 2

### *Mmæk m bamənn*

<sup>1</sup> Sin ma kan, mæk binib mmæk m mu ηan na.

<sup>2</sup> Tuk bininkpiib ke bi li chur bibaa tiwan məmæk ni, ki ηeer kipak, ki li kpa laasaab, ki li dii Yesu aasan chob, ki li gee binib, ki li kpa limər.

<sup>3</sup> Tuk bipininkpiib mu ke bi li san Uwumbər tiwan məmæk ni, ki taa li ye binibiinib, ki taa li ye bidagbiib. Ni ηan ke bi mæk mmæk m mu ηan na,

<sup>4</sup> ki mæk bipininkpisapəm ke bi li gee bichatiib ni baabim,

<sup>5</sup> ki li kpa laasaab, ki taa gər kidagook, ki li lik lichiln ni aatuln mbaməm, ki li kpa tibulchinn, ki li keei bichatiib aaməi, aan ubaa taa bii Uwumbər aabər.

<sup>6</sup> Sur binachipəm mu ke bi li chur bibaa.

<sup>7</sup> Sin aabaa mu li ηani tiwan məmæk chob, aan ki li ye liməkl ki tii biken. Tuk binib Uwumbər aabər mbaməm, ki li kpa laasaab.

<sup>8</sup> Li len iliin i bi chob kaa kpa ngalm na, aan udin ubaa taa ηmaa bii timi. Nima kan, iniməən ga chuu u.

<sup>9</sup> Tuk binaagbiib ke bi li keei bidindatiib aaməi, ki piir bisui tiwan məmæk ni, ki taa kpak bi kinikpakpak,

<sup>10</sup> ki taa su baawan, ki li bi mbaməm tiwan məmæk ni. Bi yaa bi kina kan, baabimbinyaan ga mæk binib ke Uwumbər u gaal timi lir na aasan le ηan.

<sup>11</sup> Ba pu? ti kan Uwumbər aah kpa tibulchinn pu na. Waabulchinn pu le binib məmæk ga ηmaa ηmar.

<sup>12</sup> Waabulchinn mæk timi ke ti yii lituln limək kaa ηan na, ki taa ki dii tiwan ni kaa ηan na

aakpeek, ki li chur tibaa mbaməm, ki li dii mbaməm, ki li bi Uwumbər aah ban pu na dulnyaa wee ni.

<sup>13</sup> Ti kpa limakl li tii timi mpopiin na. Ti kii bundaln ti ga nan kan li na. Taah kpa limakl li na le ye ke timi Aawumbər sakpiin, Yesu Kristo u gaal timi lir na, ga gir ni ki nan nyan waah nyuun pu na mpaan pu.

<sup>14</sup> U nan kpo ti pu ke u gaa timi lii ki nyan timi titunwanbir məmək ni, aan ti li bi chain, ki li ye waanib, ki li ye binib bi aanimbil man ke bi tun litunyaan na.

<sup>15</sup> Uwumbər aah tii si tininkpir pu na, tuk binib tibər timina, ki pək bitaakpab, ki sur bi, ki taa cha ubaa lik si fam.

### 3

#### *Yesu Kristo aadidiir aabimbin aah ye pu na*

<sup>1</sup> Teer bi ke bi li pak kitin aayidam, ni binib bi kpa tininkpir na, ki kii baaməi, ki gor ke bi tun litunyaan məmək,

<sup>2</sup> ki taa bii unii ubaa, ki taa kpak binib kinikpak-pak. Bi li kpa kijətiik binib biken chee, ki li bi suuna binib məmək chee.

<sup>3</sup> N-yoonn mbaa timi tibaa nan ye bijərb, kaa kii Yesu aaməb. Kinimbəŋ nan ŋmann timi la. Tinimbil nan man tiwan ni kaa ŋan na aabəŋ pu. Tisui aah gee tiwan ni na le ti nan ban. Ti nan gee baka baka aatuln, ki nan kpa lipiipoln, ki nan ye binib bi ubaa aa gee bi na, ki mu nan nan təb.

<sup>4</sup> Le Uwumbər u gaal timi lir na mək timi waah kpa tibulchinn ki gee timi pu na,

<sup>5</sup> ki gaa timi lii. Naa ye timi aatunyaan pu le u gaa timi lii, waanimbaasaln pu le u gaa timi lii. Le Waafuur Nyaan gir ma timi, ki tii timi limɔfapɔln, ki finn tipobil ni.

<sup>6</sup> Taah kpaan Yesu Kristo u gaal timi lir na ni na, le Uwumbɔr ɲa timi tibulchinn ki tii timi Waafuur Nyaan.

<sup>7</sup> Waabulchinn pu le u len ke timi aabɔr ɲan, ki tii timi limakl ke ti ga kan limɔfal li kaa kpa ndoon na.

<sup>8</sup> Tibɔr ngbaan gbii la.

M ban ke aa li tuk binib tibɔr ngbaan n-yoonn mɔmɔk, aan binib bi gaa Uwumbɔr ki kii na aatafal li bi litunyaan ponn ni. Nimina le ɲan ki kpa tinyoor ki tii binib.

<sup>9</sup> Yii mbaan mu ye kijɔrk aabaan na, ki taa kpak kinikpakpak niyaaajatiib aayimbil pu. Aa taa jaa kijaak, ki taa kpak kinikpakpak Uwumbɔr aakaal aatataa pu. Nimina mɔmɔk ye fam la, kaa kpa tinyoor tibiaa.

<sup>10</sup> Unii yaa bi ki cha Yesu aanib yakr tɔb chee kan, aa sur u nfum mulee. U yaa kaa di cha kan, yii u.

<sup>11</sup> Aa bee ke unii u bi kina na yenn a, ki tun titunwanbir. Uma ubaa aatunwanbir le mɔk ke waabɔr bii.

### *Kookoo aasurm*

<sup>12</sup> M yaa cha Atemas, bee Tikikus dan aa chee kan, pɔɔn aabaa ki dan m chee Nikopolis aatin ni; m ɲa nlandak nsui ni ke m ga li bi nima chee kakab yoonn.

<sup>13</sup> Pɔɔn aabaa ki ter Senas, u ye ubɔjir na, ni Apolos, ke bi piin baasachuln, ki taa cha bi lann baasachuln aawan nibaa.

<sup>14</sup> Ni ŋan ke Yesu aanib bae ke ni ŋan ke bitafal li bi litunyaan ponn ni, ki li ter binib bi ban nterm na, aan ki taa li bi fam.

<sup>15</sup> Binib bimɔk bi m chee na dooni si. Aa ti doon binib bi gaa Yesu ki kii ki gee timi na.

Uwumbɔr ŋa tinyoor ŋa ni mɔmɔk pu. [Amii.]

## **Uwumbor aagban Bible without Deuterocanon in Konkomba**

copyright © 2014 Wycliffe Bible Translators, Inc.

Language: Konkomba

Translation by: Wycliffe Bible Translators

Contributor: Wycliffe Bible Translators, Inc.

### **Copyright Information**

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The Bible without Deuterocanon**

in Konkomba

**© 2014, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 18 Apr 2025 from source files  
dated 29 Jan 2022

c7765cba-ce13-51c8-80b3-68fach5fdf4a